

**ZAVOD ZA JAVNO ZDRAVSTVO  
TUZLANSKOG KANTONA**

Broj: 07-139-8/22

Datum: 07.12.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22) direktor Zavoda d o n o s i

**O D L U K U**

**o poništenju postupka javne nabavke laboratorijskog materijala  
za Lot 4 Dehidrirane podloge za mikrobiološki laboratorij**

**I**

Prihvata se preporuka Komisije za nabavke broj 07-139-7/22 od 06.12.2022. godine i poništava se **Lot 4 Dehidrirane podloge za mikrobiološki laboratorij** u postupku javne nabavke laboratorijskog materijala, koji je proveden putem konkurentskog zahtjeva za dostavljanje ponuda, iz razloga što je za predmetnu nabavku nije prihvatljiva nijedna dostavljena ponuda.

**II**

Obavještenje o nabavci iz tačke I ove Odluke objavljeno je na portalu javnih nabavki pod brojem 1247-7-1-270-3-27/22 od 09.11.2022. godine.

**III**

Odluka stupa na snagu danom donošenja.

**O b r a z l o ž e n j e**

Zavod za javno zdravstvo Tuzlanskog kantona pokrenuo je postupak javne nabavke laboratorijskog materijala putem konkurentskog zahtjeva za dostavljanje ponuda postupku javne nabavke laboratorijskog materijala putem konkurentskog zahtjeva za dostavljanje ponuda broj 07-136-2/22 od 09.11.2022. godine, za koji je objavljeno obavještenje na portalu javnih nabavki pod brojem 1247-7-1-270-3-27/22 dana 09.11.2022. godine, a na osnovu Odluke o pokretanju postupka javne nabavke laboratorijskog materijala 02-236-1/22 od 16.02.2022. godine.

Poziv za učešće u postupku javne nabavke je upućen sljedećim ponuđačima: KEFO D.O.O. ISTOČNO SARAJEVO, SINEKS LABORATORIJA D.O.O BANJA LUKA, EUROLAB D.O.O. BIJELJINA, ENA D.O.O. SARAJEVO i SPEKTROLAB D.O.O. BANJA LUKA.

Tenderska dokumentacija je objavljena na portalu javnih nabavki i istu je preuzelo 22 potencijalna ponuđača.

Nabavka je podijeljena u sedam (7) lotova i to:

Lot 1: ATCC sojevi

Lot 2: Membranski filtri

Lot 3: Laboratorijsko posude i pribor za mikrobiološki laboratorij

Lot 4: Dehidrirane podloge za mikrobiološki laboratorij

Lot 5: Laboratorijsko posude i pribor za hemijski laboratorij

Lot 6: Hemikalije za hemijski laboratorij

Lot 7: Standardne otopine

U roku za prijem ponuda za Lot 4 Dehidrirane podloge za mikrobiološki laboratorij zaprimljene su dvije ponude i to ponude ponuđača ENA D.O.O. SARAJEVO i SEMIKEM

D.O.O. SARAJEVO. Komisija je konstatovala da su ponude imenovanih ponuđača blagovremene, ispravno zapečaćene i pristupila njihovom otvaranju.

Po završetku otvaranja zaprimljenih ponuda Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14, 59/22), isti dan dostavljen ponuđačima putem fax-a.

Komisija je zatim pristupila pregledu i ocjeni zaprimljenih ponuda i konstatovala da ponude imenovanog ponuđača ne ispunjavaju kvalifikacione uslove definisane tenderskom dokumentacijom iz sljedećih razloga:

- ENA D.O.O. SARAJEVO

Obrazloženje:

Prema tački 12. tenderske dokumentacije ponuđači su dužni dostaviti, između ostalog, i izjavu da će uz isporučenu robu po lotovima 1, 4, 6 i 7 biti dostavljeni važeći certifikati o kvalitetu isporučene robe, izdati i ovjereni od strane proizvođača/ponuđača robe, a koji po svojim elementima (lot, datum upotrebe, i sl.) ne smiju biti različiti od isporučene robe kao i izjavu da će uz isporučene podloge pod rednim brojem 1., 2. i 3. biti dostavljeni certifikati o kvalitetu isporučenih podloga, ovjereni od strane ponuđača, iz kojih je vidljivo da sastav podloga zadovoljava standarde koji su navedeni uz nazive istih.

Naime, imenovani ponuđač jeste dostavio tražene izjave, ali je popustio da iste potpiše. Takođe je propustio da potpiše i dostavljene izjavu o zahtjevanom roku trajanja robe, izjavu o uslovima i načinu plaćanja i izjavu o nepromjenljivosti cijena tokom trajanja ugovora.

Shodno navedenom, Komisija smatra ponudu imenovanog ponuđača neprihvatljivom, te je ista odbijena.

- SEMIKEM D.O.O. SARAJEVO

Obrazloženje:

Prema tački 12. tenderske dokumentacije ponuđači su dužni dostaviti, između ostalog, i izjavu da će uz isporučene podloge pod rednim brojem 1., 2. i 3. biti dostavljeni certifikati o kvalitetu isporučenih podloga, ovjereni od strane ponuđača, iz kojih je vidljivo da sastav podloga zadovoljava standarde koji su navedeni uz nazive istih.

Naime, imenovani ponuđač jeste dostavio izjavu, ali ista nije u skladu sa zahtjevima postavljenim tenderskom dokumentacijom, jer iz dostavljene izjave nije evidentno da će sastav podloga zadovoljavati standarde koji su navedeni uz nazive podloga pod rednim brojem 1., 2. i 3.

Shodno navedenom, Komisija smatra ponudu imenovanog ponuđača neprihvatljivom, te je ista odbijena.

Obzirom da u predmetnom postupku nijedna zaprimljena ponuda nije prihvatljiva Komisija je predložila da se postupak javne nabavke laboratorijskog materijala za Lot 4 Dehidrirane podloge za mikrobiološki laboratorij poništi u skladu sa članom 69. stav (2) tačka d) Zakona o javnim nabavkama („Službeni glasnik BiH“ br. 39/14, 59/22), te je donešena odluka kao u dispozitivu.

***Pouka o pravnom lijeku:***

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od deset dana od dana prijema odluke.

**DIREKTOR**

*Sarihodžić dr Majda, spec. socijalne medicine*

MA menadžmenta



***Dostaviti:***

1. Ponuđačima
2. a/a